

Heiqnyaebcaz Gveiqnamz:

Homfwt Doh Seiqlengq

芬芳溢四方的“桂南采茶戏”

□ Liengz Civaz Cinz Byauh



▲ Gojgaeq ndaw heiq vnzlai sugsedsed.

◀ Heiqnyaebcaz youq ndaw-biengz Bogbeg hwnghoengh raix-caix.



▲ Doq ciengq doq foux ciengzmienh hwnghoengh.

Dang mwngz byaij gvaq gwnzgai honghsaeq, gyauejreih doenghnaz Yienh Bogbeg Yilinz Si, seiqseiz ndaej dingqnyei gij singciengq “yiduhya” “yiduhya” heiqnyaebcaz Gveiqnamz daj gizgyawj roxnaeuz dieggyae cibiu gvaqdaeuq, youq henz rwz gvaengxvax mbouj sanq... Gij heiqnyaebcaz riuzcienz youq rangh-dieg Bogbeg haenx youq cangheiq ndawbiengz euqmaenz caeuq maez-maij dwk henmaenh ndawde nga ndaet mbaw mwn, baenz cungj heiq vnzlai dangdieg haengj dingq gyaenz yawj ndeu. Bi 2006, “Heiqnyaebcaz Gveiqnamz” ndaej lied haeuj guk-gya gaep buek daih’ it feihvuzciz vwnzva yizcanj mingzloeg.

Heiqnyaebcaz Gveiqnamz dwg Guengjsae heiqdeihfueng Bouxgun ndawde cungj ndeu, youq Ciuhmingz satbyai daj Gyanghsih Gannanz cienz haeuj Bogbeg, daj ciengq max-faexcuk hwnghat baenz doq ciengq doq foux ciengq nyaebcaz, youq goekdaej “nyaebcaz lwnh ciuhgeq” gwnzde supaeu gijnde heiq-moegyau, heiqdeih, heiqvaiz dang-dieg cugbough hwnghat hwnjdaeuq, ciemhciemh hwnghoengh, baenz lizsij citheiq Cungguk ndawde cungj heiq daegbied gag miz ndeu. Ciug gij daegdiemj swzda de, caemh heuhguh “yiduhya”. Seizneix youq 33 aen yanghcin ndaw diegguenj Bogbeg caeuq Yilinz Si gak yienhghih nem Ginhcouh, Vuzcouh, Namzningz daengj si mbangj yienhghih riucienz gvangqlangh, vnzraeuz couh sib-gvenq heuh de guh “heiqnyaebcaz Gveiqnamz”. Cungj heiq neix yienj-ciengq neiyungz aeu “cibngeih nyied nyaebcaz” guhcawj, ciug caz haidaiz, haifwz, diemjcaz, nyaebcaz, ceujcaz, gaicaz gonqlaeng bae yienjciengq,

daengx aen gofoux dwg doenggvaq gij baenzdaug guhhong ndaem caz, dakdaengh ok vnzguhghong sim-hoengz guhhong caeuq faenh sim-angq fungsou haenx. Cungj heiq neix gvihaeuj heiq ndawbiengz, bouxyienj youz siuseng, siujdan, siujcouj guh cawjyienj, doihyienj iq, cietmoeg iq, gaiqdawz iq yienhda, ndigah caemh heuhguh “heiq sam siuj” roxnaeuz “ban sam giek”. Heiq-nyaebcaz Gveiqnamz ndawde yienj-ciengq gojgaeq lizsij roxnaeuz gojriuz ndawbiengz haenx ndaej heuhguh “nyaebcaz lwnh ciuhgeq”, dingzlai aeu heiqloenghriu caeuq heiqguh-nauh guhcawj, gij neiyungz de dingzlai dwg gojgaeq gangj dauhleix ndawranz, cingzciet sengdoengh, doengsug rox ngaih, gijheiq saedceij caeuq yienghsaek deihfueng noengznwd, sawheiq cienzdoengj miz 《Cangh Sam Gvaq Cieng》《Daeq-gyauej Ngeih Ciq Yah》《Lwngyez Bae Ging Gaujsi》daengj 100 lai bonj, yienj baenz 365 ngoenz mbouj doxcungz. Linghvaih lij miz mbangj heiq souh diuhcaijdiu yingyangj cix ok moq, lumjbaenz 《Gai Maehoengz》《Raemjfwz Ndaej Yah》daengj, doeklaeng deng gij banheiq Begvah aenvih Daibingz Denhgoz Yindung saetbaih le deuznanh haeuj Guengjsae haenx yingyangj, okyienh le 《Boekluen Yaemyieng》《Gauh Vwnzgij》daengj citheiq hung, daengx citheiq funghgwz miz gaij-bienq haemq hung, mbouj caiq dwg gij heiq iq nyaebcaz doenghbaez lo.

Heiqnyaebcaz Gveiqnamz gij yozgi buenxdiuq de miz laz, gyong, cacemq, moengngawz, loxlez, aendig, ngeihyienz daengj, gaiqdawz miz sailaisaek, bienngaenz, beizva caeuq gaenfwngz daengj, ciug ciengq max-

faexcuk, foux saeceij, fouxlungz, dwkbienggaenz daengj gonqlaeng bae biuyienj; gij diuhciengq yienj-ciengq de it dwg diuhcaz, couhwdw gij diuh baenz dauq nyaebcaz, ngeih dwg capcaz, couhwdw aeu “diuhsaeq Nanzcangh” “seiqgeiq va’ mbu” guh goekdaej, supaeu gij diuhsaeq ndawbiengz dangdieg bienbaenz. Vah-ciengq aeu Vahmaxgai guhcawj, Begvah Bogbeg guhbouj, daegsaek deihfueng naekgywg.

Bogbeg soqlaiz miz aen mingz-daeuz ndei “mbanranz yisuz nyaebcaz Guengjsae”, daengx yienh seiz-neix miz duenzheiqnyaebcaz 130 lai aen gungh 2000 lai bouxyienj, moix bi yienjok 2000 lai ciengzbaez, rizdin byaij doh daengx guk gak dieg. Moix bungz hoihmiuh, ngoenz-seng Guenyaem, guhsix daengj gvaq cieng gvaq ciet caeuq ngoenz hongsoeng, lajmbanj, gwnzhaw dangdieg yienjciengq heiqnyaebcaz cungj gig nauhyied, ciengzseiz miz duenzheiqnyaebcaz ndawbiengz bae lajmbanj biuyienj, mwh yienj daengz seiz angq, couh okyienj gij cingzgingj gamjdoengh vnz gwnz daiz laj daiz doengzcaez ciengq haenx, angqyangz raixcaix.



▲ Ndaw heiq doxdaeuq loenghriu vinx bouxyawj.



▲ Moix ciengz yienjok gax-gong cungj nyinhcaen cangnaj.



▲ Miz bouxyawj, gyanghongh guh daizheiq caemh yienj ndaej maezmwd.



▲ Moix baez yienjok, henz daizheiq bouxyawj humx caengz dem caengz.